

Служба священномученику Макарию (Гневушеву)
(4 сентября н.ст.)
В Ё Ч Е Р

На Господи, воззвах: стихиры праздника 3 и святого, глас 1.

Прехвальне священномучениче Макарие,/ ты ни темница изнурила
есть,/ ни глад уморил,/ ни озлобления и раны смятоша,/ во еже разлучити
тя от любви Божия/ и благодарованныя паствы./ Темже Христу, святе,
молися/ даровати Церкви нашей// мир и велию милость.

Всехвальне священномучениче Макарие,/ от братьей по плоти
страдания до крове претерпевая,/ в себе помышлял еси,/ яко Господа
ради умерщвляеми есмы/ и несть наша брань противу плоти и крови,/ но
к миродержителю тьмы века сего./ Темже Христу, святе, молися,
даровати земли нашей// мир и велию милость.

Преславне священномучениче Макарие,/ ты жертву безкровную/
первое благоговейне совершая,/ послежде, яко всеплодие,/ себе самого в
жертву живую принеся еси,/ моля, да простится грех богоборчества
народа нашего./ И ныне Христу, святе, молися/ даровати людем
российским// мир и велию милость.

Слава, глас тойже:

Церкве Россійския славо/ и Отечества нашего украшение,/ священномучениче Макарие,/ властью, от Бога тебе данною,/ ругатели
безбожные обличал еси,/ и, яко волки лютыя, от стада твоего отгнал еси/
и диавола посрамил еси,/ кровь же твою, яко Авелева,/ от земли наша
вопиет немолчно./ Сего ради ходатай на Небеси о нас верен буди// и моли
спастися душам нашим.

И ныне, праздника

Вход. Прокимен дне. И чтения три.

Деяний святых апостол чтение (глава 4):

Во дни оны, глаголющим же апостолом к людем,/ найдоша на них
священницы и воевода церковный, и саддукеи,/ жаляще си, за еже учити
им люди и возвещати о Иисусе воскресение мертвых;/ и возложиша на

них рѹки и положиша их в соблюденіе до ѹтрія:/ бе бо вечер уже./ Мнѡзи же от слышавших слово вероваша:/ и бысть число мужей яко тысячъ пять./ Бысть же наутрие собратися княземъ их, и старцемъ, и книжникомъ во Иерусалимъ:/ и Анне архиереемъ, и Каиафе, и Иоанну, и Александру,/ и елици бѣша от рода архиерейска./ И, поставльше их посреде, вопрошаху:/ коею силою, или коимъ именемъ сотвористе сие вы?/ Тогда Петръ, исполнився Дѹха Свята, рече к нимъ:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чемъ сей спасеся,/ разумно буди всемъ вамъ и всемъ людемъ Израилевымъ,/ яко во имя Иисуса Христа Назорея,/ Егоже вы распясте,/ Егоже Богъ воскреси от мертвыхъ,/ о семъ сей стоитъ предъ вами здравъ./ Сей есть камень, укоренный от васъ, зыждущихъ,/ бывый во главу ѹгла,/ и несть ни о единомъ же иномъ спасения;/ несть бо иного имени подъ небесемъ, даннаго в человецехъ,/ о немъже подобаетъ спастися намъ.

Деяний святыхъ апостолъ чтеніе (глава 4):

Во дни оны, видяще иудеи Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же ихъ, яко со Иисусомъ бѣста;/ видяще же исцелѣвшаго человека с нима стояща,/ ничтоже имяху противу рещи./ Повелевше же има вон из сонмища изыти,/ стязавшеся ко другъ другу, глаголюще:/ что сотворимъ человека сима?/ Яко ѹбо нарочитое знамение бысть има,/ всемъ живущимъ во Иерусалиме яве,/ и не можемъ отрещися;/ но да не болѣе прострѣтся в людехъ,/ прещеніемъ да запретимъ има кому не глаголати о имени семъ ни единому от человекъ./ И призавше ихъ,/ заповѣдаша има отнюдь не провещавати, ниже учити о имени Иисусове./ Петръ же и Иоаннъ, отвѣщавше к нимъ, рѣста:/ аще праведно есть предъ Богомъ/ васъ послушати паче, нежели Бога?/ Судите: не можемъ бо мы, яже видехомъ и слышахомъ, не глаголати./ Онѣ же, призапрѣщше има, пустиша я,/ ничтоже обрѣтше, како мучити ихъ, людей ради,/ яко вси прославляху Бога о бывшемъ:/ летъ бо бѣше множае четыредесяти человекъ той,/ на немъже бысть чудо сие исцеления.

Деяний святыхъ апостолъ чтеніе (глава 4):

Во дни оны, отпущена бывша апостола приидоста ко своимъ и возвестиста,/ елика к нима архиереи и старцы рѣша./ Онѣ же, слышавше, единодушно воздвигоша гласъ к Богу и рекоша:/ Владыко, Ты, Боже,

сотвори́вый не́бо и зе́млю и мо́ре и вся, я́же в них,/ Ё́же усты́ Дави́да, о́трока Твоего́, рече́:/ вску́ю шата́шася язы́цы и лю́дие поучи́шася тщётным?/ Предста́ша ца́рие зе́мстии,/ и кня́зи собра́шася вку́пе на Го́спода и на Христа́ Егó./ Собра́шася бо вои́стину во гра́де сем на свята́го О́трока Твоего́ Иису́са,/ Егóже пома́зал еси́,/ Ё́род же и Понти́йский Пила́т, с язы́ки и людьми́ израи́левыми,/ сотвори́ти, ели́ка рука́ Твоя́ и сове́т Твой предна́рече́ бы́ти./ И ны́не, Го́споди, при́зри на преще́ния их/ и даждь рабо́м Твои́м со вся́ким дерзнове́нием глаго́лати сло́во Твое́,/ внегда́ ру́ку Твою́ простре́ти Ти во исцеле́ния,/ и зна́мением и чуде́сем быва́ти и́менем святы́м О́трока Твоего́ Иису́са./ И помоли́вшимся им, подви́жеся ме́сто, иде́же бя́ху со́брани,/ и испо́лнишася вси Ду́ха Свя́та,/ и глаго́лаху сло́во Бо́жие со дерзнове́нием.

На стихóвне стихи́ры, глас 6.

Столп непоколеби́мый Ру́сския Цёркве был еси́,/ гоне́ния лю́тая претерпева́я,/ день и ночь в моли́тве подви́зался еси́,/ священномучени́че Мака́рие,/ огнём ре́вности и ду́хом кро́тости/ па́ству твою́ ко Христу́ путево́дя,// тем тя любо́вию почита́ем.

Стих: Священни́цы Твоя́ облеку́тся в пра́вду// и преподо́бнии Твой́ возра́дуются.

Ве́рен Бо́гу и Цёркви был еси́ да́же до сме́рти,/ священномучени́че Мака́рие,/ ны́не же, с ли́ки новомучени́к и испове́дников Росси́йских/ предсто́я Христу́ Царю́,/ моли́ся с ни́ми приле́жно/ дарова́ти нам мир// и ве́лию ми́лость.

Стих: Честна́ пред Го́сподем// смерть преподо́бных Егó.

Душе́вная и теле́сная страда́ния твоя́/ и смерть за Го́спода во́льная от безбо́жных/ отверзо́ша ти, свя́те Мака́рие,/ врата́ жи́зни ве́чныя/ и укрепи́ша бра́тий твои́х испове́дати Христа́./ Те́мже Ему́ моли́ся при́сно,// да утверди́тся Правосла́вие на Руси́ во ве́ки.

Сла́ва, глас 4:

А́нгели страда́нием твои́м дивля́хуся,/ и Цёрковь Небе́сная ра́достно тя при́ят,/ достохва́льне Мака́рие./ Ны́не же, священнеи́ ру́це твой́/ к

Престо́лу Святы́я Тро́ицы простира́я,/ помина́й зе́млю Ру́сскую,/ ю́же возлюби́л еси́,// моля́ о спасе́нии сла́вящих тя благоче́стно.

И ны́не, праздни́ка

Тропа́рь, глас 3:

Цер́кве Ру́сския сто́лпе непоколеби́мый,/ благоче́стия пра́вило,/ жити́я ева́нгельскаго о́бразе,/ священномучени́че Мака́рие,/ Христа́ ра́ди пострада́вый да́же до кро́ве,/ Егóже моли́ усер́дно,/ я́ко Нача́льника и Соверши́теля спасе́ния,/ Русь Святу́ю утверди́ти в Правосла́вии// до сконча́ния ве́ка.

НА УТРЕНИ

По стихослóвии седа́лен, глас 6:

Сквозе́ огнь муче́ния, я́ко свиде́тель ве́рный, прошёл еси́,/ блаже́нне Мака́рие,/ сего́ ра́ди с ли́ки святы́х земли́ Ру́сския/ в Небе́сном Оте́честве торже́ствуеши./ Помози́ и нам бы́ти ве́рным Христу́ и спасты́ся душа́м на́шим.

Сла́ва, и ны́не, праздни́ка

Велича́ние:

Велича́ем тя,/ священномучени́че Мака́рие,/ и чтим честна́я страда́ния твоя́,/ я́же за Христа́ во утвержде́ние на Руси́ Правосла́вия// претерпе́л еси́.

Псалом избра́нный:

1-й лик: Бог нам Прибе́жище и Си́ла.

2-й лик: Го́споди, воздвигни́ си́лу Твою́ и прииди́, во е́же спасти́ ны.

1-й лик: Глаго́лах о свиде́ниях Твои́х пред ца́ри и не стыдя́хся.

По полиеле́и седа́лен, глас 1:

До́блйи страда́льче и служи́телю Та́ин Бо́жиих,/ священномучени́че Мака́рие,/ Цер́кве Ру́сския похвало́ и утвержде́ние,/ ны́не, пра́зднующе твою́ па́мять,/ Бо́гу, просла́вльшему тя, благода́рственно вопие́м:/ сла́ва Да́вшему ти кр́пость во страда́ниях,/ сла́ва Венча́вшему тя,/ сла́ва Спа́сая́щему нас твои́ми моли́твами.

Сла́ва, и ны́не, праздни́ка

Степѣнна, 1-й антифѣн 4-го гласа. **Прокѣмен, глас 4: Пройдѣхомъ сквозѣ огнь и воду, // и извѣл еси ны в покой.** Стих: Разжѣгл ны еси, якоже разжизается сребро. Всякое дыханіе: Евангеліе от Матфея, зачало 36.

По 50-м псалмѣ стихира, глас 6:

Егда попусти Господь по грехомъ нашимъ/ братоубійство, гонѣнія и вѣры Христовы поруганіе,/ ты, священномучениче Макарие,/ Цѣркве Россійскія столп непоколебимый явился еси/ и, кровь свою за Христа проливъ,/ паству во единствѣ соблюл еси./ Ныне же, на Небесѣхъ предстоя с лики новомучениковъ, // моли спасти души наши.

Канѣн, глас 4.

Песнь 1

Ирмосъ: Моря чермную пучину/ невлажными стопами/ древній пешешествовавъ Израиль,/ крестообразными Моисеевыми руками// Амалікову силу в пустыни победилъ есть.

Воли Божіей послушивъ бывъ,/ святительства жезлъ приимъ еси, священномучениче Макарие,/ и, за Христа даже до смерти пострадавъ,/ вѣрный сынъ Цѣркве явился еси.

Изгнаніе и разлученіе с паствою твоєю мужественно претерпѣлъ еси, священномучениче Макарие,/ но ничтоже возможно разлучити тя отъ любви Божіей.

Безбоязненно проповѣдовалъ еси людемъ покаяніе, священномучениче Макарие,/ да обратятъ сердца своя къ Богу/ и только на Него въ скорбехъ и лишеніихъ упованіе имутъ.

Богородичен: Мати Божія,/ домъ Твой, Святаѧ Русь, моли Тѧ:/ избави люди Твоя отъ всякаго нужды и вѣчнаго осужденія.

Песнь 3

Ирмосъ: Веселится о Тебѣ Цѣрковь Твоя, Христѣ, зовущи:/ Ты моя крѣпость, Господи, // и прибежище, и утвержденіе.

Егда прииде испытание веры твоея, священномучениче Макарие,/ страдание за Христа, яко благодатный дар, приял еси/ и кровию твоею Русскую землю обогрил еси.

Егда прииде гонение от безбожных,/ столп непоколебим Русския Церкви явился еси, священномучениче Макарие,/ святых, яко ближних сродник, в помощь призывая,/ с нимиже купно ныне прославляешися.

Аще и умерщвлен был еси телом, священномучениче Макарие,/ обаче духом козни диавольския посрамил еси,/ имея Христа прибежище и утверждение.

Богородичен: Тя Предстательницу, Пречистая Дево, молим:/ преложи нашу печаль на радость и скорбилежащая избави, Заступнице наша.

Кондак и икос праздника

Седален, глас 3:

Заветы исповедников и священномучеников Христовых восприем,/ душу твою за веру Православную положил еси, святе,/ еюже утверждается земля Русская./ Сего ради молися, священномучениче Макарие,/ любовьию чтущим тя верным Христу до конца быти.

Слава, и ныне, Богородичен:

Не имамы иного прибежища, разве Тебе, Богородице,/ Отечества нашего усердная Заступнице:/ всяк бо, почитая Тя, надежду обретает.

Песнь 4

Ирмос: Вознесена Тя видевши Церковь на Кресте,/ Солнце Праведное,/ ста в чине своем,/ достойно зывающе:// слава силе Твоей, Господи.

Да не дерзают языцы рещи: где есть Бог ваш?/ Кровь бо новомучеников от земли нашея вопиет:/ Господи, Господь наш, яко чудно имя Твое по всей Русстей земли.

Имже образом желает елень на источники водные,/ сие ты, страстотерпче Макарие, к живоносным страданием за Христа притекл еси,/ имиже присно священно обновляется лице земли Русския.

Вся земная ни во что вменив Христа ради,/ словом и житием,
священномучениче Макарие, верных поучал еси:/ о Боже сотворим силу,
и Той унижит стужающих нам.

Богородичен: Стена неборимая и Покров всемогущий Российским
новомучеником явилася еси, Пресвятая Дево,/ темже Тя величаем.

Песнь 5

Ирмос: Ты, Господи мой,/ Свет в мир пришел еси,/ Свет Святый,
обращаяй из мрачна неведения// верою воспевающих Тя.

Яко луч Солнца Правды явился еси, священномучениче Макарие,/ и
страданиями твоими мглу безбожия над Отечеством нашим развеял еси.

Егда безбожнии тщаяся сокрыти тя в темнице, священномучениче
Макарие,/ Господь яви тя исповедника Своего всем концем земли
Русския.

Русския Церкви светильниче священный Макарие,/ кровью
мученическими неугасимо светяй и у Престола Божия предстояй,
молись о чтущих тя.

Богородичен: Иже от Девы неизречно рождёйся, Господи,
сохрани молитвами Ея Церковь Твою,/ Тебе славящую православными
гласы.

Песнь 6

Ирмос: Пожру Ти со гласом хваления, Господи,/ Церковь вопиет Ти,
от бесовския крове очищшися/ ради милости от ребр Твоих// истекшею
Кровию.

Восприим меч духовный, иже есть глагол Божий,/ безбожных козни
сокрушил еси, священномучениче Макарие,/ и вся разжженные стрелы
лукаваго угасил еси щитом веры Православных.

Во святителях благочестно пожив и мучения путь терпеливо
восприим,/ сугубую мзду на Небесах обрел еси, священномучениче
Макарие,/ идеже евангельски присно радуешься и веселишься.

Ничто́же возмо́же разлучи́ти тя, богоприя́тне, от любве́ Христо́вы:/ ни скорбь, ни гоне́ние, ни смерть,/ вся бо сия́ си́лою Возлю́блышаго тя Го́спода препобеди́л еси́, священномучениче.

Богоро́дичен: Поём Тя, Предста́льнице тёплая и Засту́пнице христиа́н, Богоро́дице Всепе́тая,/ я́ко со все́ми святы́ми земли́ Ру́сския мо́лиши Сы́на Твоего́ и Бо́га на́шего/ обрести́ нам ве́лию ми́лость.

Конда́к, глас 2:

Восхва́лим, ве́рнии,/ изря́днаго во святите́лех / и сла́внаго в мучени́цах Мака́рия,/ Правосла́вия поборо́ника и благоче́стия ревни́теля,/ земли́ Ру́сския кра́сное прозябе́ние,/ и́же страда́нием Небесе́ дости́же/ и та́мо тёпле мо́лит Христа́ Бо́га// спасти́ся душа́м на́шим.

И́кос:

Красу́йся и лику́й, Це́рковь Ру́сская,/ я́ко благопло́дная лоза́ священна́го страда́льца израсти́вшая,/ добропобе́дным муче́нием сердца́ ве́рных укрепивша́го,/ за́поведи Госпо́дни испо́лнивша́го и при́сно ева́нгельски учи́вша́го:/ прииди́те, ча́да, послу́шайте мене́,/ не убо́йтесь от убива́ющих те́ло, ду́ши же не могу́щих уби́ти,/ убо́йтесь же па́че могу́щаго ду́шу и те́ло погуби́ти в ге́енне./ Те́мже, священномучениче Мака́рие, моли́ Христа́ Бо́га спасти́ся душа́м на́шим.

Песнь 7

Ирмо́с: В пе́щи авраа́мстии о́троцы перси́дстей,/ любóвию благоче́стия па́че,/ не́жели пла́менем, опаля́еми, вызы́аху:// благослове́н еси́ в хра́ме сла́вы Твоея́, Го́споди.

Я́ко три́е о́троцы, в пе́щи вавило́нстей пла́менем объ́ятии, моли́твою не сгара́ху,/ та́ко ты, священномучениче Мака́рие, во огни́ муче́ний благода́тию ве́ру сохрани́л еси́./ Сего́ ра́ди ны́не с новомученики Росси́йскими лику́еши:/ благослове́н еси́, Бо́же отце́в земли́ на́шей.

Я́коже дре́вле о́троцы, в пе́щи неопаля́емии, злато́му истука́ну не поклони́шася,/ та́ко же и ты, священномучениче Мака́рие, огнём муче́ний неопаля́емь,/ безбо́жие небо́язненно облича́л еси́, вызы́ая с новомученики Росси́йскими:/ благослове́н еси́, Бо́же отце́в земли́ на́шей.

Жѣртву живую и всесоже́ние Творцу́ себѣ са́маго принося́,
священномучениче Макарие,/ с новомученики Росси́йскими воспева́л
еси́:/ мо́гущи, пока́ряться, я́ко с на́ми Бог отце́в земли́ на́шей.

Богоро́дичен: Я́же па́че ума́ и естества́ Бо́га ро́ждши,
Неискусому́жная Мари́е,/ чту́щая Тя от враг ви́димых и неви́димых
изба́ви,/ Ты бо еси́ земли́ отце́в на́ших Держа́ва необори́мая.

Песнь 8

Ирмо́с: Ру́це распросте́р, Дании́л/ львов зия́ния в ро́ве затче́;/
о́гненную же си́лу угаси́ша,/ добродѣтелию препоя́савшеся,/ благоче́стия
рачи́тели о́троцы, вызы́ающе:// благослови́те, вся дела́ Госпо́дня,
Го́спода.

Землю́ Ру́сскую, безбо́жными гонѣ́нии неща́дно жего́мую,/ слеза́ми
и крове́й твои́ми напои́л еси́, священномучениче Макарие,/ сего́ ра́ди
плоды́ ве́ры, ча́да церко́вная, возрасти́л еси́.

Зло́бы мучи́телей не убо́ялся еси́,/ огне́м любви́ Божѣ́ственнымъ ты́я
препобеди́в,/ те́мже благода́ть моли́тися о нас стяжа́л еси́,
священномучениче Макарие, достохва́льне.

Благословля́я гони́телей твои́х, блаже́нне Макарие,/ усер́дно
моли́лся еси́ за них,/ да пока́ются и кúпно с ве́рными бра́тиями
благословя́т Го́спода.

Богоро́дичен: Христа́ зря́щи умерщвля́ема, Многопе́тая Влады́чица,/
и ви́дящи исполне́ние Сímeонова прорече́ния, слезя́щи вызы́аше://
благослове́н еси́, Бо́же, во ве́ки.

Песнь 9

Ирмо́с: Ка́мень нерукосе́чный/ от несекóмыя горы́, Тебе́, Де́во,/
краеуго́льный отсече́ся,/ Христо́с, совокупи́вый разстоя́щаяся естества́.//
Тем, веселя́щеся, Тя, Богоро́дице, велича́ем.

Рука́ми беззако́нных уби́ен,/ же́ртва благоприя́тная и во́льное
зако́ление Бо́гу прине́слся еси́, свѣ́тче Бо́жий Макарие./ Тем благода́рне
па́мять твою́ почита́ем.

Господь, исполняя смотрение Свое о Церкви Русстей,/ заступника
тя, священномучениче Макарие, содела./ Темже молися Ему, во
благочестии нам пребывать и спастися душам нашим.

О бездна благодати Божия!/ Дарова бо Бог возлюбленным Своим
веры ради пострадати/ и ты, священномучениче Макарие,/ яко плод
красный спасительнаго сияния, избра от земли Русския.

Богородичен: Разорй советы вся, на ны вооруженныя, Мати Бога
Вышняго,/ и радости исполни уповающия на Тя,/ да усердно вси Твое
проповедуем заступление.

Светилен:

Паству хлебом слова Божия насыщая/ и вином премудрости
священныя напоая,/ теплотою любви твоея дары сия растворил еси,
священномучениче Макарие./ И ныне высоким проповеданием вещаеши
чадом Церкви Русския:/ приступите ко Господу, и просветитесь,/ и лица
ваша не постыдятся.

Слава, и ныне, Богородичен:

О Тебе мы хвалимся, Богородительнице,/ и к Богу Тя имамы
Предстательство,/ прости руку Твою необоримую/ и сокруши враги
Церкви Русския.

На хвалитех стихиры праздника и святого, глас 4.

Дал еси знамение/ земли Русстей, Господи,/ священномученика,
угодника Твоего, Макария,/ яко да тем умолен бывая,/ отвратиши
праведный Твой гнев,/ и не погибнет святая/ и боголюбивая Русь//
предстательством новаго страстотерпца.

Жертву хваления/ присно Господеви принося,/ священномучениче
Макарие,/ в конец самого себе/ в жертву живу и святу,/ благоугодну и
совершенну представил еси,/ темже ти верно вопиём:/ благоприятны
сотвори молитвы наша// о благостоянии Церкви Русския.

Предстателю Церкви Русския,/ священномучениче Макарие
всехвальне,/ выну зряй Лице Господа на Небесех,/ не презри ни единого/
от малых чад ея,/ но радостно покаяние наше приими/ и моли присно//
сыновом Российским спастися.

Сла́ва, глас 8.

О, пресла́внаго чудесе́!/ Яко крин посреде́ те́рния,/ в страда́ниях за Христа́ процвёл еси́, священномучениче Макарие,/ да не затми́тся в земли́ на́шей свет Правосла́вия/ во открове́ние язы́ком и сла́ву наро́да Ру́сского./ И ны́не, в селéниях ра́йских пребыва́я,/ неувяда́емо благоуха́еши// ве́ре твоёй подража́ющим.

И ны́не, праздни́ка

Славосло́вие вели́кое. И отпу́ст.

НА ЛИТУРГІИ

Прокі́мен, глас 7: Честна́ пред Го́сподем// смерть преподо́бных Его́.
Стих: Что возда́м Го́сподеви о всех, я́же воздаде́ ми?

Апо́стол святого к Ри́мляном, зача́ло 99.

Аллилу́ия, глас 2: Свяще́нницы Твои́ облеку́тся в пра́вду, и преподо́бнии Твои́ возра́дуются. Стих: Бог нам Прибе́жище и Си́ла, Помо́щник в ско́рбех, обре́тших ны зело́.

Ева́нгелие святого от Луки́, зача́ло 106. Конёц: В терпе́нии ва́шем стяжи́те душа́ ва́ша.

Прича́стен: В па́мьть ве́чную бу́дет пра́ведник:

Моли́тва

О избра́нниче и уго́дниче Христо́в, священномучениче Макарие, Це́ркве Ру́сския сто́лпе непоколеби́мый, земли́ на́шея благо́е прозябе́ние и кра́сный плод, сро́дников твои́х предста́телю и наста́вниче! Ты во вре́мя гоне́ния безбо́жнаго от сокро́вищницы душі́ твое́я спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Его́ о́вцы полага́я и лю́тыя во́лки далече отгоня́я. Ны́не у́бо при́зри на нас, недосто́йных чад твои́х, умиле́нною душе́ю и сокруше́нным се́рдцем тя призыва́ющих. Умоли́ Го́спода Бо́га, да прости́т согреше́ния на́ша и изба́вит от а́довых уз и ве́чнаго муче́ния. Утверди́ нас в ве́ре святе́й, научи́ нас всегда́ твори́ти во́лю Бо́жию и храни́ти за́поведи церко́вныя. Буди́ па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утеше́тель, гони́мым засту́пник, ю́ным наста́вник, всем же благосе́рдый оте́ц и те́плый моли́твенник, я́ко да моли́твами твои́ми соблюде́тся в Правосла́вии Свята́я Русь и непреста́нно сла́вится в ней и́мя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.